

Guangjisi Minzcu Bau

ganhhau: CN45-0036 B.2017 Nd.9 Ng.27 liggaeuq dingyoux nienz ndwenbet cobet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3293期

Vanzgyangh Song Aen Banhfab Bang Doi Hong Cauxlaeb Minzczu Doxgiat Cinbu

环江两措施助推民族团结进步创建工作

Vih gyaak doidoengh mbanj minzczu hwngfat, roengzrengz gaijndei gij gwndaenj dieg minzczu, coicaenh minzczu doxhuz caeuq ndawbiengz huzndei, mboujduenh gyavaiq yamqdin daengx yienh cienzmienh guhbaenz biengz siujganh, Vanzgyangh yungh song aen banhfab hung doicaenh hong cauxlaeb minzczu doxgiat.

It dwg netsaed haiguh gij hozdung senhconz gyauyuz minzczu doxgiat cinbu. Aen yienh neix nyinhcaen senhconz gvancez gij cingsaenz aenhoih hong minzczu Cunghyangh caeuq aenhoih byaujcanh minzczu doxgiat cinbu daengx guek daih roek baez Gozvuyen. Gyaak senhconz fapgvi minzczu cwngecwz, netsaed haiguh gij hozdung senhconz minzczu doxgiat cinbu. Youq ndwencieng, yawjnaek yungh gij hingz sik saenqsik fat gij goujhau senhconz cauxlaeb minzczu doxgiat cinbu, hawj vunzvunz cungj

sugrox gij cwngecwz minzczu doxgiat cinbu, lij giethab minzczu angqhoh ngoenzciat haiguh aen hozdung "ndwen senhconz minzczu doxgiat cinbu", moix bi ndwen 3 ngoenz 20 daengz ndwen 4 ngoenz 20 youq daengx aen yienh haiguh aen hozdung "ndwen senhconz minzczu doxgiat cinbu" aeu "Vanzgyangh huzndei • doxgiat cinbu" guh cawjdaez. Caeuq gak aen yanghcin, gak aen danhvei ndaw yienh guenj haenx doxcaez venj fuk baengzhoengz senhconz minzczu doxgiat, nem byauhyij senhconz minzczu doxgiat, caemhcai aeu gij fuengsik eu fwen minzczu, biujyienj vwnzyi, doxdax yienjgangj, langhbaij banjbau senhconz daengj vunzlai maij dingq maij yawj haenx bae senhconz lijun minzczu, cwngecwz minzczu, faplwd fapgvi minzczu. Sonyinx ndawbiengz gak gyaiq gvangqlangh camgya, cauh 'ok gij heiqaenh naekna

daengxcungq beksingq doengzcaeaz doicaenh gij saehnieb minzczu doxgiat cinbu.

Ngeih dwg haenqrengz senhconz gij cingzciak saehnieb minzczu doxgiat cinbu. Aen yienh neix gaemdawz seizheiq angqhoh laeb yienh 30 hopbi, cungfaen fatok gij cozyung donzdij ndawbiengz coicaenh minzczu doxgiat cinbu, fatdoengh gij rengz gak fuengmienh, yungh lai cungj hingz sik, haeujlaeg haiguh gij hozdung cauxlaeb minzczu doxgiat cinbu. Gaenxmaenx doicaenh hong minzczu haeuj gihgvanh, haeuj hagdangz, haeuj giyez, haeuj segih. Roengzrengz dajcauh aen mbanj guhyienh, danhvei guhyienh, segih huzndei, aeu diemj daiq mienh, guhyienh daiqdoengh, mboujduenh daezswng gij suiibingz gveihfanva, ciduva hong cauxlaeb.

(Danz Su'myauz/谭素苗)



Yungzsuij: Benq Naz Lai Yungh Coi Vut Gungz

融水: 一田多用促脱贫

Seizciat "coufaen", Yungzsuij Myauzczu Swciyen Yanghfwnj Yangh "byanaz" daengz seiz sou lo, cwngefuj dangdieg hwngfat yungh "raemx ndeu song yungh, benq naz lai sou, ndaem ciengx giethab, saekloeg hwngfat" ndaem haeuxnaz ciengx bya swnghdai cunghab ndaem ciengx vunqsik, sonyinx caeuq bangcoh bouxghnaz gungzhoj doenggvag youq ndaw naz ciengx byaleix + byanouq + sae. Doengzseiz, bangcoh vunzlai hwngfat Myauzczu swnghdai lijyouz, coicaenh vunzlai gungzhoj dangdieg laisou baenz miz. Ndaw doz dwg ndwen 9 ngoenz 22, youq Yanghfwnj Yangh Mbanjyibuz Mbanjmyauz hekyouz cingq youq doenghnaz daejniemh ring bya.

(Danz Gaijhingh/谭凯兴)

Gveilinz: "Gyong" Doengh Ngaizhoengh Vwnzyi "Foux" Ok Minzczu Doxgiat

桂林: "鼓"动文艺盛宴 "舞"出民族团结

Ndwen 9 ngoenz 21, Gveilinz Si Siengsanh Gih singgo haprwenz, diuqfoux mbimnyag, vunzlai gak minzczu doxcomz giz ndeu, ciengz ngaizhoengh vwnzyi swnjcienz caeuq fatyienz vwnzva heiq deihfueng Gveilinz he youq aen daizheiq hung Vanfuz Sanghyez Gvangjangz Gveilinz Si yienj.

《Foux Gyong Hung》yungh "gyong" guh haedsim haenx, doeng-gvaq vwnzva gyong langhbaij gij vwnzmingz haj cien bi Cunghvaz daj ciuhgeq daengz daihneix haenx, hawj vunz yawj ndaej gig yiengjsouh, foux

gyong heiqseiq naekgywg hainduj le baez yienjok neix. Diuqfoux "langh-cingz Mbanjyiz" daegsaek minzczu naekna yienh 'ok le dahsau Yizcuz ak ciengq ak diuq caeuq gyoengq lwmgbauq youq ngoenzciat angqyangz diuq gij foux vuenheij nauhyied haenx, danqhaenh gij ndwenngoenz gyaundeih vuenyungz. Gyoengq bouxyienj lij yienj doenghgij cezmuz gyongdwkbya 《Angqcoux Cibgouj Daih》, caijdiu 《Daxbuz Sou Gaeq》daengj diuqfoux saeqsim bienbaiz haenx, cezmuz lai cungj lai yiengh langhbaij le gij cingsaenz yienghsiengq

gaenxmaenx doxhwnj, doxgiat cinbu vunzlai gak minzczu, ndaej daengz bouxyawj yienhciegz haenhndei.

Ciuq cam rox, Siengsanh Gih Minzcunghgiz yaek youq mwh hong cauxlaeb minzczu doxgiat cinbu bi 2017, daengx bi banh "heiq haeuj hagdangz" "doidoengh swnjcienz vwnzva ginghdenj minzczu" daengj cawjdaez hozdung, hawj gak minzczu laebhwnj gij heiqaenh dox roxyiuj, dox aeueiq, dox hag, dox bang.

(Dauz Vwnzsuh/陶文姝 Dangz Cuihbingz/唐秋萍)

SIUSIK DINJ

简讯

● Ndwen 9 ngoenz 23, liggaeuq ndwenbet coseiq dwg ngoenzciat conzdungj Yayiz Yauzczu Yangh Mungzsanh Yen, gyoengq beixnuengx Yauzczu doeng-gvaq langhbaij baenzgya okhaq Yauzczu, foux lungz, foux saecej, diuqfoux Yauzczu daengj vwnzyi hozdung angqhoh ngoenzciat conzdungj bi gvaq baez haenx, muengh fwn yinz rumz swnh, haeuxgwn fungsou, gyoengqvunz vuenyungz youq ndei.

(Dai Lenzswng)

● Ndwen 9 ngoenz 21, Lingzyinz Yen haiguh cienzdoh senhconz ginhyungz cihsiz, vih gyoengq vunzlai daezhawj fuengbienh. Ciuq gyoepsuenq, yienhciegz fat 《Ceksaw Ginhyungz Vangj-loz Ancienz Cihsiz》《Fanj Cienzyaj Daj Gou Guh Hwnj》daengj lai cungj ginhyungz cihsiz senhconz swhliu 8800 lai faenh, ciepsouh vunzlai camcaz 2500 lai vunzbaez.

(Loz Hihhaij)

● Geij bi neix daeuq, Sanhgyangh Duncuz Swciyen gaenjdaet hopheux baengh giuzlaeuz, ngaizbakranz, gofoux daengj giijndei swhyenz feihvuzciz vwnzva lai cungj lai yiengh, gag miz daegsaek, doeng-gvaq "bangfuz + lijyouz" byaij ok diuz roen cinjing bangfuz vut gungz he, bi 2017 ndwen 1 daengz 8, daengx yienh dakdaih hekyouz daengz 610.2 fanh vunzbaez, rengzrwd coicaenh vunzlai dangdieg laisou baenz miz.

(Vuz Lenyinh)

Daengq Beixnuengx

小启

Aenvih cietguekgingq cuengqgyaj, ndwen 10 ngoenz 4 bauqcej mbouj ok lo. Hoh gyoengq beixnuengx ngoenzciat angqyangz, gwn van youq ndei!